

Avannaata Kommunia

aamma

Namminersorlutik Oqartussat akornanni

Majoriamik ingerlatsineq pillugu

naammassisassanut isumaqatigiissut

2025-2027

Imai

Isumaqatigiinniartut.....	1
Tunuliaqutaasut.....	2
Siunertaq	2
Anguniakkat suliassallu.....	2
1. Suliffeqarneq	3
2. Ilitsersuineq.....	5
A. Suliffeqarnermut ilitsersuineq	6
B. Ilinniartitaanermut ilitsersuineq.....	6
C. Pikkorissaqqinnermut ilitsersuineq	6
D. Ujartuilluni ilitsersuineq	6
E. Nunaqarfinni ilitsersuineq.....	7
3. Pikkorissaqqinneq.....	7
4. Iliuusissatut pilersaarutit	7
Majoriap sullinniagai	8
Nalunaarusiorneq.....	8
Sulisut	9
Aaqqissugaaneq.....	9
Aningaasaqarneq	10
Ingerlatsinermut tapiissutit	11
Immikkut ittumik suliniutit aningaasallu immikkoortitat	11
Ilinniartut amerlassusaat	12
Nakkutilliineq.....	12
Saqitsaannerit, pisussaaffimmik sumiginnaanerit aamma kalerriinerit	13
Atuutilerfia, atuuffia, isumaqatiginninniaqqinneq atorunnaarsitsinerlu.....	13
Ilanngussaq: Majoriami suliassanut killiliussat	15
1. Inatsisinut tunngatillugu killiliussat.....	15
Ilanngussaq: Majoriamut tapiissutit katillugit.....	18

Isumaqatigiinniartut

Isumaqatigiissut manna atsiornikkut isumaqatigiissutaavoq:

Kommunalbestyrelsi
Avannaata Kommunia
Noah Mølgårdip Aqq. 9
3952 Ilulissat
(*tamatuma kingorna kommuni*)

aamma

Namminersorlutik Oqartussat
Isumaginninnermut, Ilaqutariinnut, Suliffeqarnermut Nunamullu Namminermut
Naalakkersuisoqarfik
Imaneq 1 A, 501
Postbox 279
3900 Nuuk
Grønland
(*tamatuma kingorna naalakkersuisoqarfik*)

Tunuliaqutaasut

Suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq naapertorlugu kommunimi illoqarfinni tamani kommunit Qitiusumik ingerlatsivinnik pilersitsinissamut pisussaaffeqarput.

Naalakkersuisoqarfiup qitiusumik ingerlatsivinnut tunngatillugu ingerlatsineq pillugu kommunit naammassisassanut isumaqatigiissuteqarfigissavai.

Suliffissanut, ilitsersuisarnernut pikkorissaqqinnernullu qitiusumik ingerlatsiviit taaneqartarput **Majoriaq.**

Siunertaq

Anguniakkat suliassallu, kommunip naalakkersuisoqarfimmut isumagissallugit pisussaaffigisassaanik, aalajangersaanissaq pillugu isumaqatigiissummik pilersitnissaq siunertaavoq. Isumaqatigiissummi suliassat naammassineqartussat imaluunniit kommunimi Majoriamut attuumassuteqartut ilaatinneqarput.

Anguniakkat suliassallu

Majoriami pingaarnertut anguniagaavoq suleriaatsinik assigiiakkanik sunniuteqarluartunillu pilersitsinissaq, Majoriami suliassa qarfiit akornanni sunneeqatigiinneq pitsaanerpaanngortillugu. Taassuma innuttaasut qitiutinneqarnerat pitsaanerpaamillu ilitsersuunneqarneri, pikkorissaqqinneqarneri aamma suliffeqarnermut ilaatinneqarnissaannut tapersersorneqarnerat qulakkiissavai.

Kommuni inatsisit malillugit naammassineqartussanik arlalinnik suliassa qarpoq. Naammassisassanut isumaqatigiissut tunngavigalugu kommunalbestyrelsi suliassat tulluuttut isumaginissaanut pisussaaffeqarpoq:

Majoriamut suliassat pingaarnernut sisamanut aggorneqarput:

1. **Suliffeqarneq**
2. **Ilitsersuineq**
3. **Pikkorissaqqinneq**
4. **Iliuusissatut pilersaarutit**

1. Suliffeqarneq

Nunatsinni suliffeqarnermut pingaarnertut anguniagaq tassaavoq nunami sapinngisamik innuttaasut amerlanerpaat suliffissaqarnissaat. Tamanna sulisussat piginnaasatigut qaffasissusiat inuussutissarsiortut sulisussanut aalajangersimasunut pisariaqartitaat malillugit naleqqussarneqarnerisigut anguneqarsinnaavoq.

Kommunip atuuffia tassaavoq suliffissaaleqinerup annikillisarneqarnissaa anguniarlugu suliassanik sularinnittarnerup sunniuteqarluartumik siunnerfilimmillu ikorfartuinissaq.

Majoriap suliffeqarnerup iluani suliassanut inatsisit atuuttut tunngaviupput, taakkualu ilanngussami Inatsisitigut killiliussani Majoriap suliassanut killiliussat pillugit erseqqinnerusumik nassuiarneqarput.

Suliffeqarnermut suliassanut ilanngunneqartut makkuupput:

Innersuussisarneq

Innuttaasut kiisalu suliffeqartut assersuutigalugu pikkorissaanerit suliarnut tunngassutillit (Aningaasanut inatsimmit aningaasaliiffiqineqartut, PKU, AMA il.il.) pillugit kivinneqarnissamik pisariaqartitsisut innersuutissallugit. Pikkorissaanerit iliuusissatut pilersaarummut immikkut allattorneqassapput.

Suliffissaaleqisut aamma Siusinaartumik pensionisiallit

Suliffissarsiuussisarfik suliffissaaleqisunut aamma siusinaartumik pensionisialinnut, suliffeqarnermut uteqqinnissamik kissaateqartunut, ingerlataqarnissaannik aallarnisaassaaq. Majoriaq siusinaartumik pensionisialinnut kiisalu sivisuumik suliffissaaleqisunut ilitsersuineramik kajumissaarinnermillu ingerlataqartitsissaaq. Tamatuma saniatigut Majoriaq pisariaqartitsineq malillugu qulaajaanermik ingerlataqartitsissaaq.

Piginnaanngorsarneqartut

Majoriap piginnaanngorsaaqqinneq pillugu qinnuteqaatit aamma innuttaasut tulluarsaqatigiiaat 2-miittut piginnaanngorsaaqqiinnermut innersuussutit aqussavai. Tamatumunnga ilaapput sivisuumik suliffissaaleqisut aamma siusinaartumik pensionisiallit sulisinnaanerit pillugu naliliiffiqeqinneqartussat. Innuttaasut aamma pineqarsinnaapput, sulineramik ajoqusernerup kingorna inuussutissarsiornernut allamut ilinniartinneqartariaqartut.

Majoriap ilanngullugu innuttaasut eqaannerusumik suliffissanut atorfinitsinneqarnissaat innersuussutigissavai. Piginnaanngorsaaqqiinnermut suliniutip takutippagu, innuttaasooq suliffeqarnermut attuumassuteqarnermik kissaateqartoq, innuttaasooq eqaannerusumik suliffimmuut

atorfinitsinneqarsinnaavoq. Tamanna innuttaasunut, suliffeqarfimmi atorfeqareertunut tassanngaannartumillu sulisinnaassutsimi ilaanik annaasaqartunut aamma atuuppoq. Atorfeqarnerup attatiinnarneqarnissaa siunertaralugu, sulisitsisoq peqatigalugu eqaannerusumik suliffeqarnissaq pillugu qinnuteqarsinnaapput.

Piginnaanngorsaaqqinnermik ingerlataqartut tamarmik, minnerpaamik qaammatit pingajuanni malitseqartitsiffiusumik, malinnaaffigineqassapput.

Suliffissarsiortut

Suliffissarsiortunut tamanut suliffissaq suugaluarpalluunniit innersuussisarneq kiisalu inuussutissarsiutit akimorlugit sulisitsisunut sulisussanik innersuussisarneq isumagineqassaaq.

Innuttaasut suliffeeruttut suliffinnut nittartakkami aamma paasissutissanik katersuiffinnut allanut attuumassuteqartunut nalunaarsorlugit neqeroorfigineqassapput.

Suliffissaaleqisunik sulilersitsiniarneq

Innuttaasunik suliffissaaleqisunik sulilersitsiniarneq isumagineqassaaq.

Suliffissaaleqisunut CV-liorneq

www.suli.gl aqutigalugu suliffissaaleqisut CV-liornissaannik ikiorlugit

Suliffissaaleqigallartut

Suliffissaaleqigallartut suliffissarsiortunut ikiorsiissutinut nalunaarsorlugit, tassunga ilanngullugu aalisakkerivinni assingisaannilu sulisut angerlartitaasut.

Pikkorissaanernut innersuussineq

Suliffissaaleqisut pikkorissaanernut, tassunga ilanngullugit PKU, AMA il.il. aaqjissuussiffigalugit innersuullugillu.

Nuttarnerulersitsiniarluni tapiissutit

Innuttaasuniit, illoqarfimmut allamut suliffissarsiniarluni nuunnissamik kissaateqartuniit, nuttarnerulersitsinissamut tapiissutit pillugit qinnuteqaatit tigullugit.

Suliffissarsiortunut ikiorsiissutit

Suliffissarsiortunut ikiorsiissutit pillugit qinnuteqaatit suliaralugit.

Avataaniit sulisussat

Avataaniit sulisussat pillugit sulisitsisut qinnuteqaataat tigullugit.

Ujartuilluni suliffissarsiuussineq

Inuussutissarsiortunut najukkami, nunap immikkoortuani nunalu tamakkerlugu ujartuilluni suliffissarsiuussineq ingerlallugu kiisalu sulisitsisut suliffissarsiortullu akornanni suliffeqarnermi pissutsit aalajangersimasut pilersinneqarnissaat siunertaralugu attaveqatigiissitsineq.

Tulluarsaqatigiiaanut immikkoortiterineq

Innuttaasut suliffissaaleqisut tulluarsaqatigiiaanut immikkoortiterlugit eqqortumillu tulluarsaqatigiiaanut immikkoortiterineq qulakkeerlugu.

Suliffissaaleqisut tamarmik tulluarsaqatigiiaat 1-miittut 2-miittullu Majoriami suliarineqartassapput. Innuttaasut tulluarsaqatigiiaat 3-miittut isumaginninnermik ingerlatsivimmut innersuunneqartassapput.

Majoriap tulluarsaqatigiiaanut immikkoortiterineq akisussaaffigaa, aamma tulluarsaqatigiiaat immikkoortiterneri imaluunniit oqartussaq sorleq akisussaasuunersoq pillugu nalornisoqartillugu, suliaq suleqatigiinnermut aqqqissuussamut innersuunneqarsinnaavoq. Suleqatigiinnermut aqqqissuussap Majoriamiit, meeqqat atuarfianniit aamma isumaginninnermik oqartussaniit inuttaqartinneqartup, suliasamik suliarinnittarnermi attuumassuteqarnerpaaq pillugu inassuteqarsinnaavoq, Majoriamut imaluunniit isumaginninnermik ingerlatsivimmut.

Suleqatigiinnermut aqqqissuussaq

Suleqatigiinnermut aqqqissuussami, Suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 af 9. december 2015-imeersumi § 5, imm. 5 naapertorlugu Majoriamiit, isumaginnittoqarfimmiit kiisalu meeqqat atuarfianniit aallartitat peqataassapput.

2. Ilitsersuineq

Innuttaasut ilitsersuinnermik kissaateqartut ikiussallugit.

Ilitsersuineq suliasallu akornanni ataqatigiissaarineq pitsanngortinneqarput innuttaasup ilitsersuinnermik kissaateqartup suliffeqarneq, ilinniartitaaneq, pikkorissaqqinneq ujartuillunilu ilitsersuineq pillugu paasissutissanik pissarsisinnaanera ajornannginnerulersinniarlugu.

Pikkorissaaneq pillugu neqeroorutinut tunngatillugu qitiusumik ilinniarsiit qanimut oqaloqatigineqassapput.

Ujartuillutit suligit aamma najukkami, nunap immikkoortuani nunalu tamakkerlugu inuussutissarsiortut qanimut attaveqarnerit attatiinnarlugu.

Kommunalbestyrelsip naapertuuttutut isigippagu, ilitsersuinerup ilaa qitiusumiit ingerlanneqarsinnaavoq, taamaalilluni ilitsersuisut qitiusumik allaffeqarfimmiittut najukkami ilitsersuisut tapersersorsinnaallugit. Tamatuma innuttaasut pitsaanerpaamik ilitsersorneqarnissaat qulakkeerpaa, tapersersuinerlu Teams il.il. aqutugalugit aamma ingerlanneqarsinnaalluni.

Ilitsersuineq suliasaqarfinnut tallimanut agguarneqarpoq:

- A. Suliffeqarnermut ilitsersuineq
- B. Ilinniartitaanermut ilitsersuineq
- C. Pikkorissaqqinnermut ilitsersuineq
- D. Ujartuilluni ilitsersuineq
- E. Nunaqarfinni ilitsersuineq

A. Suliffeqarnermut ilitsersuineq

Siullermeertumik suliffissaaleqisunut tamanut ilitsersuineq pillugu oqaloqatigiinnissamut piffissamik tunniussineq tamanullu atuuttumik iliuusissatut pilersaarummik suliaqarneq.

Ilitsersuineramik neqerooruteqarneq, atorfimmik qaffassarneq ilanngullugu.

Inuusuttut sullinniakkat allallu suliffissaaleqisut, suliffeqarnermut aamma/imaluunniit ilinniarnissamut piareersimasussat, paasititsiniaaffigalugit.

B. Ilinniartitaanermut ilitsersuineq

Ilinniartitaanermut ilitsersuineq.

Inuusuttut ingerlariaqqiffiusumik ilinniarnissamik qinnuteqartut aallartittussallu amerlassusaat qaffanneqassaaq. Tamanna aamma atuuppoq sulisussat pioreersut pikkorissaqqinnissaat, innuttaasunut suliffeqarnermi atugassarititaasunik pitsanngorsaasinnaasoq naatsorsuutigineqarluni. Ilitsersuinerup pitsaannerusup kingunerisaanik, ilinniartitaanermi unitsitsiinnartartut ikilisinneqarsinnaasut ilimagineqarpoq.

Taassuma kingunerissavaa sulisussat piginnaasaasa nukittorsarnerat, taamaalillutik innuttaasut amerlanerusut ilinniarsimasunngorlutik imaluunniit ilikkagaqarlutik, taamaalilluni inuussutissarsiortut piginnaasanik aalajangersimasunik ujartuinerisa naammassineqartarnera qaffasinnerulernissaa ajornarunnaarluni.

Ilinniartitaanermik qinnuteqaatit

Kalaallit Nunaanni ilinniartitaanernut qinnuteqaatit immersorneqarnissaannut ikiuineq, taamaalilluni ilanngussassat pisariaqartut tamaasa ilanngunneqarnissaat qulakkeerlugu.

Inuussutissarsiortunik oqaloqatiginninneq

Piginnaasanik aalajangersimasunik pisariaqartitsineq pillugu inuussutissarsiortunik oqaloqatiginninneq pitsanngortinneqassaaq. Pikkorissaqqinnissaq ilinniaqqinnissarlu pillugit neqeroorutit sapinngisamik ujartuinermut sammitinneqartariaqarput.

C. Pikkorissaqqinnermut ilitsersuineq

Anguniakkat pingaarnersiukkat naammassiniarlugit Majoriap, ilitsersuinikkut ilisarititsinikkullu, imaluunniit pikkorissaqqinnikkut atugarsornermik aamma atuagarsornani ingerlataqarnermik ilinniarnermik qinnuteqartut tamaasa ingerlariaqqiffiusumik aamma/imaluunniit ilinniarnissamik piareersarfiusumik aallartinnissaannut piginnaanngorsarneqassasut sulissutigissavai.

Angajoqqaat peqatigalugit ilitsersuineq

Angajoqqaat peqatigalugit ilitsersuineq isumagalugu.

D. Ujartuilluni ilitsersuineq

Inuusuttut 30-t inorlugit ukiullit ilinniagaqarnissaq ukkataralugu ilitsersorneqassapput. Ujartuilluni ilitsersuineq inuusuttunut ilinniagaqanngitsunut imaluunniit suliffeqanngitsunut neqeroorutigineqassaaq.

E. Nunaqarfinni ilitsersuineq

Inuusuttut 18-29-inik ukiulinnut nunaqarfinni tamani ikaarsaarnermik ilitsersuineq ingerlanneqassaaq. Majoriap nunaqarfinni tamani ilitsersuineq, nunaqarfimmi illoqarfimmiluunniit qaninnerpaami, oqarasuaatikkut qarasaasiakkulluunniit ingerlanneqassanersoq naliliiffigissavaa.

Angalanermut najugaqarnermullu kiisalu paasisitsiniaanermut atortussanut aningaasartuutit matussuserneqarnissaannut nuna tamakkerlugu aningaasaliissutitut immikkoortitaqarpoq. Kommuniq nunaqarfimmut tikeraarnej pillugu utertitsilluni akiligassaq naalackersuisoqarfimmut nassutissavaa.

3. Pikkorissaqqinneq

Innuttaasut suliffissaaleqisut pikkorissaqqinnissamik ingerlataqarnissaannut innersuussineq ilitsersuussinerlu, tassunga ilanngullugit atuagarsornermik, pilersitsiviit aamma atuagarsornani ingerlataqarnerit.

Atuagarsorluni pikkorissaqqinneq

Inunnut sullinniakkanut, ilinniagaqarnissamut pikkorissaqqinnermik kissaateqartunut, atuagarsornermik ingerlataqarnej.

Pilersitsiviit

Pilersitsivinnut pikkorissaqqinnissamut innersuussineq.

Atuagarsornani pikkorissaqqinneq

Majoriami atuagarsornani ingerlataqarnissamut innersuussineq.

Suliffimmik sungiusarnissamut innersuussineq.

Majoriap suleqataani, Danmarkimi Højskolit pillugit Kalaallit Nunaanni Ingerlatsivimmi, højskolernissamut innersuussineq.

Majoriami atuagarsornani pikkorissaqqinnernut allanut innersuussineq.

4. Iliuusissatut pilersaarutit

Innuttaasunut tamanut iliuusissatut pilersaarummik suliaqartoqassaaq. Iliuusissatut pilersaarut aaqqissuussaq tamakkerlugu innuttaasumut malinnaatinneqassaaq, ingerlatsivik suliassamik suliarinninnermik isumaginnittoq apeqqutaatinnagu.

Innuttaasunut ingerlaqqinnissamut ikiorneqarnissamik kissaateqarluni saaffiginnittunut tamanut innummut tunngasumik pilersaarummik suliaqartoqassaaq. Innuttaasumut iliuusissatut pilersaarummik suliaqarnissaq inatsisitigut pisussaaffiuvoq, aamma periuseq atorneqartussaq suleriaatsit pillugit allaatigisani nassuiarneqarpoq.

Suliassanik sularinnittussarsiuineq

Majoriami suliassat, naammassisassanut isumaqatigiisummi allaatigineqartut, allanut sularinnittussarsiuunneqassanngillat, imaluunniit allatut, Naalakkersuisut akuersissuteqaqqaartinnagit, namminersortumut allamut isumagittinneqassanngillat. Majoriami suliassaq ataaseq imaluunniit suliassat allat allamut agguanneqarnissaat imaluunniit sularinnittussarsiuunneqarnissaat kommunip kissaatigippagu, suliassaq agguanneqarnissaa imaluunniit sularinnittussarsiuunneqarnissaa sioqqullugu, naalakkersuisoqarfimmut qinnuteqaammik nassiussisoqassaaq.

Majoriap sullinniagai

Majoriap sullinniagai pillugit kommuni anguniakkanik suliaqassaaq. Majoriami qitiusumik ingerlatsiviit pillugit ukiumoortumik nalunaarusiornermut, tak. nalunaarusiorneq, atatillugu Majoriap sullinniakkat pillugit nassuiaateqassaaq.

- Suliffissaaleqisut tamaasa.
- Ilinniartitaanermut suliffeqarnermullu attuumassuteqartillugu ilitsersuineramik kissaateqartut tamaasa.
- Ilinniartitaanermut imaluunniit suliffeqarnermut pikkorissaqqinniarlutik qinnuteqartut.
- Innuuttaasut Majoriap neqeroortigisinnaasaata saniatigut sullinneqarnissamik imaluunniit immikkut tapersorneqarnissamik pisariaqartitsisut, kommunimi isumaginninnermik oqartussanut innersuunneqassapput. Tamatuma kingorna innuttaasut eqimattat taakkua pillugit pitsaanerpaamik suliniuteqarfiginissaat anguniarlugu suleqatigiinneq aallarnisarneqassaaq, aamma innuttaasut atuagarsornermik pikkorissaqqinnissaat pineqarpat Aqqut.gl-imut innersuunneqassallutik, atuagarsornani ingerlataqarnermuunngitsaq.

Nalunaarusiorneq

Kommuni Majoriami qitiusumik ingerlatsiviit, naammassisassanut isumaqatigiisummik naammassisaqartussatut pineqartut, tamarmik pillugit ukiumoortumik nalunaarusiamik suliaqassaaq naalakkersuisoqarfimnullu nassiullugu. Nalunaarusiaq ingerlatsineranut tapiissutit akuersissutigineqartunut naatsorsuutit ilanngullugit nassiunneqassapput.

Naammassisassanut isumaqatigiisummik naammassinninnermut nalunaarusiaq ukiut tamaasa kingusinnerpaamik ulloq 1. april nassiunneqartassaaq. Majoriap aqqissuussaq IT-reg atorlugu qarasaasiakkut paasissutissat qaammatisiutini ukiup kinguliani kisitsisit nalunaarusiarissavai. Paasissutissat nalunaarutigineqartut naammassisassanut isumaqatigiisummik anguniagassatut aalajangerneqartunut, ingerlatsiviup pisussaaffiik Majoriap naammassinnissimaneramik naliliiniarluni, ataqatigiissinneqassapput.

IT-reg-imiit paasissutissat minnerpaatut iliusissatut pilersaarutini, ingerlaqatigiiaanik aamma tulluusaqatigiiaanut pingasunut tamanut nalunaarsukkanik imaqaassapput.

Nalunaarusiami qaammatisiutini ukioq kingulleq matussuserneqassaaq aamma pikkorissaqqinnermut, ilitsersuinermut suliffeqarnermullu sammisanik imaqaassalluni.

Nalunaarusiornermut skabelon ilanngunneqartoq atorneqassaaq (Skabelon: Naammassisassanut isumaqatigiisummik malitseqartitsineq).

Sulisut

Kommunip Majoriami atorfillit akornanni piginnaasat ataavartumik siuarsarnissaat pitsanngorsarnissaallu qulakkiissavaa, taamaalillutik Majoriami suliassat sunnuteqarluartumik isumagisinnaaqullugit.

Naalackersuisoqarfimmiit ingerlatsineranut tapiissutit tunniunneqartut, ingerlatsineranut tapiissutit pillugit kapitali naapertorlugu, taamaallaat ilitersuineranut atuartitsinernullu sulisunut kiisalu ingerlatsivimmi pisortamut akissarsiaqartitsineranut, tamatumunngalu sammisassanut akiliineranut atorneqassapput, assersuutigalugu ilinniartitaanermut suleqatigiinnermullu angalanerit, pikkorissarnermut atortussat aamma atuartitsineranut atortussat. Ingerlatsivinni pisortanut tunngatillugu kommuni fagchefimik atorfinitsitsinissaq kissaatigippagu, kommunip atorfirmut aningaasartuutit nammineq akilissavai.

Kommunip suliassat piginnaasaqartunik pitsaassusilimmillu aaqqiivigineqarnissaat qulakkeerniarlugu Majoriami sulisut naammattumik amerlassuseqassasut, katitigaassasut aamma pisariaqartumik piukkunnassuseqassasut piginnaaneqassasullu isumagissavaa, taamaalilluni naammassisassatut anguniakkat anguneqarlutik. Atorfillit ilinniakkatigut misilittakkatigullu tunuliaqutaat Majoriami suliassat anguniakkallu eqqarsaatigalugit tulluartuussapput, taamaalilluni innuttaasunik suliffissaaleqisunik il.il. pillugit suliassat suliarineqartarnerat sunnuteqarluartumik piginnaasaqartunillu ingerlanneqarluni. Majoriami atorfilinnut pikkorissaqqinnissamut neqerooruteqarneq naalackersuisoqarfik suleqatigalugu naammassineqassaaq.

Sulisunut akissarsiatigut atorfeqarnikkullu atugassarititaasut pisortat isumaqatigiisutaannut aamma Naalackersuisut, kommunit kattuffiillu isumaqatiginninniarsinnaatitaasut akornanni isumaqatigiisutinut ilaapput.

Sulisunik piukkunnartunik atorfinitsitsineranut tunngatillugu naalackersuisoqarfik siunersiuinermik ikiuussinnaavoq.

Aaqqissugaaneq

Naammassisassanut isumaqatigiisummi matumani Suliffissanut, ilitersuisarneranut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-meersoq naapertorlugu suliassat aaqqiissuteqarfiginissaannut kommuni pisussaaffilerneqarpoq. Inatsimmi § 1 naapertorlugu, kommuni illoqarfinni tamani Majoriami qitiusumik ingerlatsivimmik pilersitsissaaq. Majoriamik aaqqissugaaneq kommunip aalajangiinera malillugu ingerlassaaq, suliassanik aaqqiinissamut najukkami pissutsit eqqarsaatigalugit naapertuunnerpaamik periuseqarluni. Kommunip kissaatigippagu, aaqqissugaaneq pillugu naalackersuisoqarfik siunersiorneqarsinnaavoq.

Aaqqissugaaneq aamma Majoriami suliassat assigiinngitsut timitalerlugit inissiineq innuttaasunut ersarissuussapput.

Kommunip Majoriamut illuutit atortorissaarutillu naleqquttut pissarsiarinissaat akisussaaffigaa kiisalu taakkua ingerlanneqarnerat aserfallatsaaliorneqarnerallu isumagissallugu. Illuutit atortorissaarutillu qaqugukkulluunniit sullivinnik avatangiisit pillugit inatsisini malittarisassat atuuttut malillugit eqquutititsissapput. Majoriamut illuutit sapinngisamik illoqarfiup qeqqani inissisimassapput, taamaalilluni kommunip innuttaasui Majoriamut isersinnaanerit ersarissuussalluni naleqquttuullunilu.

Kommuni ilinniartut ineqarnerannut, ingerlatsinermit nakkutilliinermullu akisussaaffeqarpoq.

Aningaasaqarneq

Majoriamik ingerlatsinermit ineriartortitsinernullu aningaasartuutit kommunimit akilernerqartassapput. Aningaasaliineq ilaatigut ilitersuinermit aamma pikkorissaqqinnermit naalackersuisoqarfimmiit ingerlatsinermit tapiissuteqarnikkut ilaatigullu kommunimiit annertoqataannik akiluteqarnikkut pisarpoq. Ataatsimut isigalugu aningaasaliinerup Majoriami ilitersuinermit pikkorissaqqinnermullu atatillugu suliassanik aaqqiissuteqarnermit isumalluutit naammannissaat qulakkiissavaa, suliffissarsiuussisarfirmullu atatillugu kommunimut ataatsimut tapiissuteqarnikkut pisarluni.

Ingerlatsinermit tapiissutit naalackersuisoqarfimmiit ukiumoortumik tunniunneqartarput. Ingerlatsinermit tapiissutinik tunineqarnissamut piumasagaataavoq aningaasanut inatsimmi aningaasaliissutinut tunngatillugu tunngavissat attuumassuteqartut kiisalu illoqarfimmi inuusuttunik naatsorsuineq, aamma isumaqatigiissutit attuumassuteqartut.

Kommunip Majoriaq aningaasaqarnikkut ingerlatissavaa, Majoriamut naatsorsuinermit konto namminersortoq pilersinneratigut, kommunimi suliassanut allaffissornikkullu allanut attuumassuteqartinnagu. Naatsorsuutit tamarmik kontomi tassani ingerlanneqassapput aamma ukiumoortumik naatsorsuutinut kommunip naalackersuisoqarfimmut nalunaarusiarisassanut tunngaviussallutik.

Oqimaaqatigiissitsinerup katinnera aningaasanut inatsiseqarfiusumi tulliuttumi kingusinnerpaamik ulloq 1. maj nassiunneqassaaq, aamma naatsorsuutit kingusinnerpaamik ulloq 1. februar nassiunneqassallutik. Allagaatit marluutillugit kisitsisai tamaasa takusinnaanngorlugit nassiunneqassapput.

Kommuni missingersuutinik suliaqartarnermit nalinginnaasumut ilaatillugu Majoriamut ukiumoortumik missingersuutit suliaqassaaq, ukioq missingersuusiorfiusoq sioqqullugu kingusinnerpaamik ulloq 15. december nassiunneqartussat. Kommunalbestyrelsip naatsorsuutinik suliaqartarnermit nalinginnaasumut atatillugu Majoriamut ukiumoortumik naatsorsuutinik aamma suliaqassaaq. Oqimaaqatigiissitsinerup katinnera ukiumi tulliuttumi kingusinnerpaamik ulloq 1. maj naalackersuisoqarfimmut nassiunneqassaaq, aamma naatsorsuutit kingusinnerpaamik ulloq 1. oktober.

Kommuni aningaasanut inatsiseqarfiusumut tulliuttumut missingersuutinik naalackersuisoqarfimmut kingusinnerpaamik ulloq 15. december. Missingersuutit atulersinneqarnerat sioqqullugu naalackersuisoqarfimmit akuersissutigineqaaqassapput.

Kommuni suliffissarsiuussisarfimmut immikkut missingersuutiniq suliaqassaaq taakkualu naammassisassanut isumaqatigiissutip atsiornerni naalackersuisoqarfimmut nalunaarutigissallugit. Suliffissarsiuussisarfimmut aningaasartuutit kommuninut ataatsimoortumik tapiissutit aqqutigalugit akilerneqassapput.

Ukiumi aningaasanut inatsiseqarfiusumi 2025-mi Majoriamut ingerlatsinermut tapiissutit aamma ilinniartut amerlassusissaat ilanngussami allaaserineqarput: Majoriamut ataatsimut tapiissutit.

Ingerlatsinermut tapiissutit

Kommuni naalackersuisoqarfimmiit ingerlatsinermut tapiissuteqarfigineqartarpoq. Ingerlatsinermut tapiissutit naatsorsuutaasut ukiumut aningaasanut inatsiseqarfiusoq sioqqullugu oktoberimi nalunaarutigineqassapput, imaluunniit ukiup aningaasanut inatsiseqarfiusup pineqartup akuersissutigineqarnerata kingorna piaarnerpaamik.

Ingerlatsinermut tapiissutit 70 %-ii ukiut tamaasa ulloq 1. februar tunniunneqartarput. 30 %-ii sinneruttut ukioq tassani ulloq 1. oktober tunniunneqassapput, naammassisassanut isumaqatigiissummi isumaqatigiissutit eqquutitinneqarneri piunasaqaataalluni. Isumaqatigiissutit eqquutitinneqanngippata, kommunimit nassuiaammik naammaginartumik nalunaaruteqarnissaata tungaanut, naalackersuisoqarfiup 30 %-it sinneruttut tunniunnissaat uninngatissinnaavai. Nassuiaat naammaginangippat, ingerlatsinermut tapiissutit 30 %-it sinneruttut naalackersuisoqarfiup tunniunnissaat pinngitsoortissinnaavaa.

Ingerlatsinermut tapiissutit katillugit ukioq aningaasanut inatsiseqarfiusoq tamakkerlugu matussusissavaat, aamma piffissaliussat aalajangerneqartut malillugit tunniunneqassallutik. Kommuni ingerlatsinermut tapiissutit tunniunneqartut aqunneqarnissaannut akisussaaffeqarpoq aamma Nalunaaruteqarneq pillugu immikkoortoq naapertorlugu naalackersuisoqarfimmut nalunaaruteqarnissamut pisussaaffeqarluni.

Kalaallit Nunaanni Namminersorlutik Oqartussat ujartuilluni ilitsersuinerneq tunngatillugu tapiissutaat ukiumoortumik aningaasanut inatsiseqarfiusussamut tulluuttumut, ukioq akuersissuteqarfiusoq sioqqullugu illoqarfimmi inuusuttut amerlassusaat (paasisutissat Naatsorsueqqissaartarfimmeersut) ulloq 1. oktoberimeersut tunngavigalugit aalajangersarneqartarput.

Majoriami ilinniartitaanermik ilitsersuinerneq pikkorissaqqinnermullu tunngatillugu tapiissutit ingerlatsinermut tapiissutinut aalajangersimasumik ilaapput.

Immikkut ittumik suliniutit aningaasallu immikkoortit

Ilinniartitsisunut, atortussanut suliniutinillu ingerlatsinermut kiisalu ilinniartut amerlassusaannut aningaasat sumiiffimmi suliniummut toqqaannartumik tunniunneqartarput aamma suliniummut atatillugu aningaasartuutininut utertitsilluni akiligassatut tunniunneqartarlutik. Suliniummut akisussaasoq toqqarneqassaaq naalackersuisoqarfimmut ingerlaavartumik akilerneqartatunik akisussaasusaaq.

Suliniutinut aningaasat immikkoortinneqartut ilinniartullu amerlassusaat naalackersuisoqarfimmut akilerneqartassapput, aamma aningaasat ingerlataqarnerup kingorna nuunneqartassallutik.

Ineriartortitsinermut aningaasanik immikkoortitsineq

Majoriami suliniutinut aningaasat pillugit qinnuteqartoqarsinnaavoq. Aningaasanut inatsimmi nuna tamakkerlugu aningaasanik immikkoortitsisoqartarpoq qinnuteqarnerullu kingorna akuersissutigineqartarlutik.

Ilinniartut amerlassusaat

Ilinniartunut tapiisarnermut Majoriami pikkorissaqqinnissamut qinnuteqartut amerlassusaat malillugit akuersissutigineqartarput. Amerlassusaat isumaqatiginninniutigineqassapput ukiumullu ataasiarluni ingerlatsinermut tapiissutit naatsorsuutaasut nalunaarutigineqarnerannut atatillugu aalajangersarneqartarlutik.

Kommunalbestyrelsi isumaqarpat ilinniartut amerlassusaat pillugu iluarsiinissamut pisariaqartitsisoqartoq, kommuni tunngavilersukkamik allakkatigut qinnuteqaammik naalackersuisoqarfimmut nassiussisinnaavoq. Qinnuteqaat ilinniartut amerlassusaat pioreersut, ilinniartitsisut amerlassusaat kiisalu najukkami inissaqartitsinerit inissaatigineqarsinnaasullu pillugit atuinermut nassuiaammik imaqassaaq. Naalackersuisoqarfiup ilinniartut amerlassusaannik iluarsiinissaq pillugu ingerlaavartumik qinnuteqaatit naliliiffigisarpai.

Ilinniartut amerlassusaannut aningaasat immikkoortinneqartut naalackersuisoqarfimmut akilerneqartassapput.

Ilinniartut amerlassusaat ataaseq ilinniartup ataatsip qaammatini qulini tapersiissutinik pisartup assingaa. Assersuutigalugu ilinniartut marluk qaammatini tallimani tapersiissutinik pisartut, ilinniartut amerlassusaat ataatsip assingaa, imaluunniit ilinniartut tallimat qaammatini marlunni tapersiissutinik pisartut, ilinniartut amerlassusaat ataatsip aamma assingaa.

Nakkutilliineq

Suliffissanut, ilitsersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-meersoq naapertorlugu, naammassisassanut isumaqatigiissutip eqquutitinneqarnera suliassallu aaqqiivigineqarneri pillugit naalackersuisoqarfik nakkutilliinissamut qaqugukkulluunniit pisinnaatitaavoq pisussaatitaallunilu.

Naalackersuisoqarfiup nakkutilliinera marlunnik siunertaqarpoq. Ilaatigut aalajangersimasumik nalunaarutigineqartut IT-atortulersuutinullu nalunaarsorneqartut malitseqartitsiviginissaat, najukkami ingerlatsinerup ineriartornerullu naammassisassanut isumaqatigiissut malillugu ingerlanneqarnerat qulakkeerniarlugu, ilaatigullu pisariaqartitsisoqassappat ikiuinermik, siunersiuinermik ilitsersuinermillu kommunimik oqaloqateqarniarluni.

Naalackersuisoqarfik ingerlatsinermut tapiissutit akuersissutigineqartut kiisalu ilinniartunut tapersiissutit akuersissutigineqartut atorneqarnerat pillugu nakkutilliisarpoq.

Ingerlatsinermut tapiissutit ilinniartunullu tapersiissutit akuersissutigineqartut siunertanut allanut atorneqartut paasineqarpat, naalackersuisoqarfiup ingerlatsinermut tapiissutit kiisalu ilinniartunut tapersiissutit tunniunneqartarneri unitsissinnaavai aamma ingerlatsinermut tapiissutit tamakkiisumik ilaannakortumilluunniit utertitsilluni akilerneqarnissaat piumasarisinnaallugu.

Saqitsaannerit, pisussaaffimmik sumiginnaanerit aamma kalerriinerit

Isumaqatigiissut manna tunngaviusumik isumaqatigiissutaavoq. Isumaqatigiissutip paasineqarnissaa pillugu isumaqatigiinngissuteqartoqarpat, illua-tungiliuttut isumaqatiginninniarnikkut isumaqatigiissuteqarsinnaanerlutik misilissavaat. Tamatumunnga illua-tungiliuttut marluullutik isumaqaginninniarnissamut pitsaasumik piumassuseqarnerat piumasaqaataavoq.

Naalackersuisoqarfiup isumaqatigiissut manna sumiginnaarpagu, kommunip qaammatit arfinillit sioqqullugit kalerriinikkut isumaqatigiissut atorunnaarsissinnaavaa. Atorunnaarsitsinissaq sioqqullugu kommup isumaqatigiissut atorunnaarsinniarlugu kissaateqartoq, kiisalu piffissaliussap aalajangersimasup iluani, isumaqatigiinngissutaasup suussusia apequtaalluni, kisianni minnerpaamik qaammammik ataatsimik sivissussilerlugu, isumaqatigiinngissutaasinnaasut qanoq iliorluni aaqiivigineqarsinnaanersut pillugu siunnersuuteqarluni naalackersuisoqarfik allakkatigut kalerrinneqassaaq. Piffissaliussap qaangiunnerani kommunip isumaqatigiissut atorunnaarsinniarlugu suli kissaateqarpat, kommuni isumaqatigiissutip atorunnaarsinneqarnissaa pillugu qaammatit arfinillit sioqqullugu kalerriilluni nassiussissaaq. Aningaasanut inatsiseqarfiusussamut tullermut tapiissuteqarneq pillugu inaarutaasumik nalunaaruteqarnermi nalunaaruteqarallarnermut atatillugu annertuumik allannguisoqarpat, kommunip aningaasanut inatsiseqarfiusup atuuttup naanerani isumaqatigiissut atorunnaarsissinnaavaa.

Kommunip isumaqatigiissummi suliassat taaneqartut isumaginissaat sumiginnaarpagit, tassunga ilanngullugu nalunaaruteqarnissamut pisussaaffik eqquutitinnagu, naalackersuisoqarfiup isumaqatigiissut manna qaammatit arfinillit kalerriilluni atorunnaarsissinnaavaa. Atorunnaarsitsinissaq sioqqullugu, naalackersuisoqarfiup isumaqatigiissut atorunnaarsinniarlugu pilersaaruteqarneranik, kommunalbestyrelsi allakkatigut kalerriinermik tigusaqassaaq. Naalackersuisoqarfik tamatumunnga erseqqinnerusumik tunngavilersuissaaq kiisalu piffissaliussap aalajangersimasup iluani, isumaqatigiinngissutaasup suussusia apequtaalluni, kisianni minnerpaamik qaammammik ataatsimik sivissussilerlugu, isumaqatigiinngissutaasinnaasut qanoq iliorluni aaqiivigineqarsinnaanersut pillugu siunnersuummik nassiussilluni. Piffissaliussap qaangiunnerani naalackersuisoqarfiup isumaqatigiissut atorunnaarsinniarlugu suli kissaateqarpat, naalackersuisoqarfik isumaqatigiissutip atorunnaarsinneqarnissaa pillugu qaammatit arfinillit sioqqullugu kalerriilluni nassiussissaaq.

Pisoqassappat, kommunip suliassat isumaqatigiissutaasut naammassisinnaajunnaarlugit imaluunniit naammassisassat isumaqatigiissutaasut naammassisinnaajunnaarlugit, tamanna pillugu kommuni naalackersuisoqarfimmut ingerlaannartumik nalunaaruteqarnissamut pisussaaffeqarpoq. Ajornartorsiummut pissutaasoq tamakkiisumik kiisalu pisumut aaqiissutissatut kommunip nammineq siunnersuutaa allaaserineqassaaq. Siunissami kommunip suliassat aaqiiviginissai anguniakkallu angunissai pillugit aamma allaaserineqassapput. Naammassisassanik angusaqarneq amigaataasoq uteqqinneqarpat imaluunniit tamatumunnga malitseqartitsineq amigaataappat, annertuumik sumiginnaanertut isigineqassaaq aamma taamatut suliarineqassalluni.

Atuutilerfia, atuuffia, isumaqatiginninniaqqinneq atorunnaarsitsinerlu

Isumaqatigiissut manna atuutilerpoq ulloq 1. januar 2025 aamma 1. januar 2025-miit 31. december 2027-mut atuutissalluni.

Piffissami isumaqatigiissuteqarfiusumi isumaqatigiissummut matumunnga atatillugu annertuumik allanngortoqarpat, illua-tungiliuttut tamarmik qaammatinik pingasunik piffissalerlugu isumaqatigiissut pillugu isumaqatiginninniaqqinnissamik kissaateqarsinnaapput. Isumaqatiginninniaqqinnissamik pisinnaatitaanermut sumiginnaanermut pisinnaatitaanerit atuuttussanngortinnissaannut killiliinernik kinguneqanngilaq, tak. Nakkutillineq pillugu immikkoortoq.

Isumaqatigiissut minnerpaamik qaammatinik arfinilinnik kalerriutigalugu illua-tungeriinnit atorunnaarsinneqarsinnaavoq. Isumaqatigiissut atorunnaarsinneqarpat, Kalaallit Nunaanni Namminersorlutik Oqartussat inuussutissarsiutigalugu ilinniartitaanermi ingerlatanut tunngatillugu, aningaasartuutit agguanneqarnerannut tunngaviusut isumaqatigiissutip matuma atsiorneqarnera sioqullugu atuuttut naapertorlugit, suliassat isumagissavaat.

Namminersorlutik Oqartussat sinnerlugit

28/2.2023



Naalakkersuisoq


Ulloq

Atsiorneq

Kommuni sinnerlugu

Melissat

5/02-25



Borgmester

Ulloq

Atsiorneq

Ilanngussaq: Majoriami suliassanut killiliussat

1. Inatsisinut tunngatillugu killiliussat

Majoriami sularisanut qaqugukkulluunniit atuuttut inatsisitigut tunngatillugit toqqammaviusut malittarineqartuartaapput. Isumaqatigiissutip atsiorterani inatsisinut tunngasut toqqammavigisat tassaapput:

- Inatsisartut inatsisaat nr. 28 ulloq 9. december 2015 *Suliffissanut, Iltersuisarnernut Pikkorissaqqinnernullu qitiusumik ingerlatsiviit* pillugit.
- Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktober 1992-imeersoq
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allannguuteqartinneqarnera pillugu Inatsisartut inatsisaat nr. 27, 9 december 2015. (Sulisitsisut suliffissanut nittartakkamik atuinnissaat)
- Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaata allanngortinneqarneranik Inatsisartut inatsisaat nr. 23, 28. november 2016-imeersoq (Atuuffia aamma ilinniakkat allat, nalunaarusiortarneq il.il.)
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allanngortinneqarnera pillugu Inatsisartut inatsisaat nr. 22, 13. november 2017-imeersoq (Aalajangiinissamut killigitat)
- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq
- Suliffeqarnermi innersuussisarneq il.il. pillugit Inatsisartut inatsisaata nr. 5, 8. juni 2014-imeersup allannguuteqartinneqarnera pillugu Inatsisartut inatsisaat nr. 6, 3. juni 2015-imeersoq (Suliffinnut nittartakkap atornerarnera)
- Suliffeqarnermi innersuussisarneq il.il. pillugit Inatsisartut inatsisaata allannguuteqartinneqarnera pillugu Inatsisartut inatsisaat nr. 32, 9. december 2015-imeersoq (Nuttarnerulersitsinissamut ikorsiissutit atornerarnerulernissaat)
- Ilinniartunut tapiisarneq pillugu Inatsisartut inatsisaat nr. 45, 23. november 2017-imeersoq
- Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq (Matuma ataani 1. januar 2022-imi inatsimmi allannguut atuutilerpoq "Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat (Nuna tamakkerlugu iltersuisarnermi iliuusissanik periusissiornerup ilanngunneqarnera aamma naammassinninnissamut ikaarsaariarnissamullu siunnersuinnermut piumasaqaatip ikkunneqarnera)".
- Inatsisartut inatsisaat nr. 12 ulloq 27. november 2018 Ilinniartitaanernut Inuussutissarsiutinillu siunnersuisarneq pillugu Inatsisartut inatsisaannik allannguneq pillugu Inatsisartut inatsisissaattut siunnersuut (Ilinniagaqartunik tarnikkut isumaginninnikkullu siunnersuisarneq pillugu ilassut, iltersuisarnerup ilaatut, aamma Siunnersuisarnermut Siunnersuisoqatigiit katitsigaanerit pillugu allannguut, aamma

kalaallisuuani iluarsissutit § 11, imm. 2, § 12, stk. 1, § 12, imm. 2, oqaaseqatigiit aappaat, aamma § 25 inatsisip kalaallisut oqaaseqaataani.)

- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
- Inatsisartut inatsisaat nr. 7 ulloq 20. juni 2022 Suliffissarsiortunut ikiorsiissutit pillugit
- Piginnaangorsaaqqinnissamut ikiorsiisarneq pillugu Inatsisartut peqqussutaata allangortinneqarneranik Inatsisartut inatsisaat nr. 10, 1. juni 2017-imeersoq (Qulaajaaniarluni ingerlassaq, eqaannerusumik suliffeqarneq, aamma aningaasarsianut tapiissutit)
- Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq
- Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq
Naalakkersuisunit akuerineqartut ukiumoortumik aningaasanut inatsit
- Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata allangortinneqarneranik Inatsisartut peqqussutaat nr. 1, 16. maj 2008-imeersoq (Inuussutissarsiutinut pikkorissartitsisarnerni tapiissuteqartarnermut inatsisini pineqartut annertusineqarnerat, sungiusaammik sulinermi akissarsianut maleruagassat, kiisalu suliassa qarfiup allangorneranut tunngatillugu erseqqissaatit)
- Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata allangortinneqarneranik Inatsisartut peqqussutaat nr. 11, 18. december 2003-meersoq (Sungiusarluni sulinermi tapiissutinut tunngatillugu malitsigisaanik allanguutissat)
- Piginnaangorsaaqqinnissamut ikiorsiisarneq pillugu Inatsisartut peqqussutaat nr. 4, 31. maj 2001-imeersoq, kiisalu Inatsisartut peqqussutaat nr. 3, 1. juni 2006-imeersoq piginnaangorsaaqqinermi ikiorsiissutinut peqqussummik allanguineq pillugu.
- Piginnaangorsaaqqinnissamut ikiorsiisarneq pillugu Inatsisartut peqqussutaata allangortinnissaa pillugu Inatsisartut peqqussutaat nr. 3, 1. juni 2006-imeersoq (Piginnaangorsaaqqittussap periarfissai annertusarneqarput, piginnaangorsartunut tamanut sungiusarnermut ilinniagaqarnermullu periarfissat annertusineqarput kiisalu piginnaangorsarnermut piffissarititaq ukiunut marlunnet sivikillineqarluni)
- Suliffissaaleqisunik sulilersitsiniarneq pillugu Inatsisartut peqqussutaat nr. 14, 12. november 2001-imeersoq
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliarortartunut tunngasunik kommunalbestyrelsit paasissutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Kommunini suliffissarsiuussisarneq suliffissarsiortullu killilersimaarneqarnissaat il.il. pillugit Namminersornerullutik Oqartussat Nalunaarutaat nr. 40 18. september 1990-imeersoq
- Kalaallit Nunaanni suliffissarsiortut killilersimaarnissaat pillugu Namminersornerullutik Oqartussat Nalunaarutaat nr. 24, 26. august 1993-imeersoq

- Kommunini suliffissaqartitsiniutinut tapiissutit pillugit Namminersornerullutik Oqartussat nalunaarutaat nr. 42, 28. september 1994-imeersoq
- Suliffeqarfimmi piginnaanngorsaaqqinnermi akissarsianut tapiissutit, piginnaanngorsaaqqinnermut pilersaarut, piginnaanngorsaaqqinnermi ikiorsiissutit aamma eqaannerusumik suliffeqarneq pillugit Namminersornerullutik Oqartussat nalunaarutaat nr. 40, 13. december 2001-imeersoq
- Nuttarnerulersitsiniarluni tapiissutit pillugit Namminersornerullutik Oqartussat nalunaarutaat nr. 24, 25. august 2008-meersoq
- Inuussutissarsiutinut pikkorissartitsisarnernut tapiissutit pillugit Namminersornerullutik Oqartussat nalunaarutaat nr. 21, 1. juli 2008-imeersoq
- Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-imeersoq
- Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliaartortartunut tunngasunik kommunalbestyrelsit paasissutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. 17, 27. november 2020-imeersoq
- Isumaginninnermut- Suliffeqarnermullu Naalakkersuisoqarfimmut nalunaarsuisarnermut ileqqussaq.

Ilangussaq: Majoriamut tapiissutit katillugit